

松滋縣誌卷之五

城池

先王經理天下定宅九域京都郡邑每因交會而  
建城池卽高厚廣狹異制而度堞濬湟皆先沐雨  
之圖焉松城入里北濱大江三面距陸當黔蜀往  
來之衝左山右河實足以分金湯之寄思患預設  
險以守是在良司牧之綢繆矣爰志城池

攷

松滋縣誌

城池

卷之五

古松滋樂鄉城在其東吳陸遜所築

上明城在其北晉桓冲所築

諸葛城在其西武侯征南所築

鄖城在其東南楚鄖公所築

今松滋在澧口明成化時築崇禎間邑侯何公志  
孟重修磚石之費動以數萬三載乃成甲申春獻  
賊屠城燹爲平地今復舊制

東門 名來遠門

舊有敵樓廣三間高二層飛簷櫺格足稱壯麗前  
距龍頭橋路通府治南通常澧

南門

樓制四門無異前臨鳴鳳山陸通枝宜入川孔道

西門

前距演武場路通龍角洲董市等處

北門

名拱極門

瀕江夏秋泛溢水即浸城路通桑洲百里洲等處

松滋縣誌

城池

卷之五

攷

舊池止尺許僅洩水澇修城後始浚至丈餘起自

西關盤山通濠而南而東而北達於大江設立吊

橋長四丈許寬二丈許壘石為磴烽煙有警實堪

守禦

以上俱復舊制

### 城池總說

松城濠口非故址也明成化時始卜築於此名楊

城迨崇禎末邑侯何公志孟因四方多警建議修

築高其雉堞浚其濠塹而規制大備明末獻賊猖獗墮城堙池

國初復經尚書土司奉例安插拆毀無餘致臺隍舊址沒於荒煙蔓草中者幾二十餘載庚戌邑侯李奉檄徙歸舊治公堂民舍圯毀者僅修復一二未幾填寇竊發盤踞江干城之墮者如故池之墮者如故及已未蕩平後令茲土者又以瘡痍甫定未遑修築今邑侯陳於蒞任初周城歷覽思復

松滋縣誌

城池

卷之五

三

古制於是缺者補造圯者重修凡瓦石工匠之費悉自已出積十有三載之力補葺彌縫今則障垣築而百雉崇高敵樓建而櫓張壯麗巍狀南國之保障焉謂非侯桑土綱繆之至計也哉